

Na osnovu člana 31. i 39. Statuta Javnog preduzeća „Grijanje“ d.o.o. Zenica i Odluke Nadzornog odbora Javnog preduzeća „Grijanje“ d.o.o. Zenica o raspisivanju konkursa za izbor i imenovanje izvršnog direktora za tehničke poslove kao člana Uprave Javnog preduzeća „Grijanje“ d.o.o. Zenica, broj: 5171/17 od 30.03.2017. godine, Nadzorni odbor Javnog preduzeća „Grijanje“ d.o.o. Zenica, raspisuje:

K O N K U R S

za izbor i imenovanje izvršnog direktora za tehničke poslove, kao člana Uprave Javnog preduzeća „Grijanje“ d.o.o. Zenica

Objavljuje se Konkurs za izbor i imenovanje izvršnog direktora za tehničke poslove kao člana Uprave Javnog preduzeća „Grijanje“ d.o.o. Zenica, na period od 4 (četiri) godine, s mogućnošću obnove mandata.

I. - OPIS POZICIJE

Izvršni direktor za tehničke poslove kao član Uprave nadležan je i odgovoran za:

- organizaciju i vođenje poslovanja Preduzeća,
- izvještavanje Nadzornog odbora na njegov zahtjev,
- provođenje Statuta, Etičkog kodeksa i drugih akata Preduzeća,
- izradu i nadgledanje realizacije planova Preduzeća,
- osiguranje provođenja propisa za postupak javnih nabavki,
- izradu kalkulacija cijena i načinu plaćanja isporučene toplotne energije i drugih usluga,
- zastupanje preduzeća prema trećim licima,
- donošenje Pravilnika o radu,
- zapošljavanje i otpuštanje zaposlenika,
- pripremu prijedloga o raspodjeli dobiti ili pokriću gubitka,
- staranje i odgovornost za zakonitost rada Preduzeća,
- implementaciju Etičkog kodeksa u Preduzeću,
- obezbjeđenje postupanja svih odgovornih lica u skladu sa Etičkim kodeksom tako što će se protiv lica koja krše navedeni kodeks provesti disciplinski postupak,
- primjenu preporuka Odbora za reviziju,
- osiguranje uslova za rad Odjela za internu reviziju,
- donošenje Poslovnika o radu Uprave,
- druge poslove neophodne za nesmetano odvijanje organizacije i vođenje poslovanja Preduzeća.

Osim naprijed navedenih nadležnosti i odgovornosti, izvršni direktor za tehničke poslove Javnog preduzeća „Grijanje“ d.o.o. Zenica:

- učestvuje u radu Uprave,
- organizuje rad tehničkih poslova u Preduzeću,
- usklađuje tehnička rješenja sa propisima,
- kordinira rad na distribuciji toplotne energije,
- izrađuje godišnji plan remonta mreže i TPS,
- obavlja i druge poslove po nalogu organa upravljanja.

II. - KANDIDAT KOJI APLICIRA ZA NAPRIJED NAVEDENU POZICIJU MORA ISPUNJAVATI OPĆE I POSEBNE USLOVE

1.) OPĆI USLOVI

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja ovog konkursa,

- d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH“ broj: 12/03 i 34/03),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa (Službene novine FBiH broj 70/08);
- g) da nema privatni i/ili finansijski interes u Preduzeću;
- h) da nije osuđivan za krivično djelo;
- i) da se protiv kandidata ne vodi krivični postupak pred nadležnim sudom;
- j) da nije lice kojem je pravosnažnom odlukom suda zabranjeno obavljanje aktivnosti člana uprave u preduzeću, tri godine od dana pravosnažnosti odluke.

2.) POSEBNI USLOVI

- a) da ima visoku stručnu spremu VII stepen stručne spreme-VSS, završen mašinski fakultet
- b) da ima najmanje 3 (tri) godine radnog iskustva na rukovodećim radnim mjestima.

III. – POTREBNI DOKUMENTI

Prijave kandidata treba da sadrže kraću biografiju, adresu stana i kontakt telefon.

Uz prijavu treba dostaviti slijedeće dokumente (originalne ili ovjerene kopije):

1. dokaz o stručnoj spremi,
2. dokaz o radnom iskustvu na rukovodećim radnim mjestima,
3. uvjerenje o državljanstvu BiH, ne starije od 3 (tri) mjeseca ili ovjerena kopija CIPS-ove lične karte,
4. ovjerena izjava o činjenicama nabrojanim u tačkama od c) do h) Općih uslova,
5. uvjerenje da se ne vodi krivični postupak od kantonalnog suda (ne starije od tri mjeseca),
6. uvjerenje/potvrda da kandidatu nije izrečena zaštitna mjera zabrane obavljanja aktivnosti/djelatnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata (ne starije od tri mjeseca).

Napomena:

Dokaz da kandidat nije osuđivan za krivično djelo (tačka h) Općih uslova) od nadležnog MUP-a službeno će se zatražiti za kandidata koji bude predložen za konačno imenovanje.

Konkurs za podnošenje prijava ostaje otvoren 15 dana od dana objavljivanja u Službenim novinama Federacije BiH.

Podnosioci prijava koji uđu u uži izbor biće pozvani na intervju.

Podnosioci prijava s kojima se ne stupi u kontakt u roku od 15 dana od dana isteka roka za podnošenje prijava, neće biti uzeti u razmatranje u daljnjem postupku imenovanja.

Prijave sa potrebnom dokumentacijom treba dostaviti lično ili preporučenom poštom sa naznakom i na adresu:

**„Prijava na konkurs - NE OTVARATI“
Javno preduzeće „GRIJANJE“ d.o.o. Zenica
Konkursna komisija za provođenje postupka izbora
izvršnog direktora za tehničke poslove
kao člana Uprave Javnog preduzeća „Grijanje“ d.o.o. Zenica
Ul. Bilnišće br. 107
72 000 Zenica**

Nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.